

**-UPRAVNI ODBOR-**

Broj: 02-4109/16

Sarajevo, 14. 06. 2016. godine

Na osnovu člana 118. Zakona o visokom obrazovanju-Prečišćeni tekst („Službene novine Kantona Sarajevo“ broj: 42/13 i 13/15), člana 53. Statuta Univerziteta u Sarajevu, člana 35. Poslovnika o radu Upravnog odbora Univerziteta u Sarajevu, razmatrajući inicijativi Senata Univerziteta u Sarajevu broj: 01-3582-1/16 od 26. 05. 2016. godine, Upravni odbor Univerziteta u Sarajevu je, na 26. redovnoj sjednici održanoj dana 14. 06. 2016. godine, donio slijedeću

ODLUKU**I**

Član 37. (**Obaveza u primjeni Pravilnika**) Jedinstvenog pravilnika o plaćama i naknadama osoblja Univerziteta u Sarajevu, koji glasi

**„Član 37.
(Obaveza u primjeni Pravilnika)**

Univerzitet/organizacione jedinice su obavezni u roku od 90 dana od dana stupanja na snagu ovog Pravilnika uskladiti obračun i isplate plaća zaposlenicima, donošenjem općeg akta o pitanjima koja su predviđena za njegovo provođenje, a koja nisu regulirana ovim Pravilnikom.“

Mijenja se i glasi:

**„Član 37.
(Obaveza u primjeni Pravilnika)**

Univerzitet/organizacione jedinice su obavezni da od dana stupanja na snagu ovog Pravilnika, a najkasnije do 31. 12. 2016. godine, usklade obračun i isplatu plaća zaposlenicima, donošenjem općeg akta o pitanjima koja su predviđena za njegovo provođenje, a koja nisu regulirana ovim Pravilnikom.“

II

Ova odluka stupa na snagu danom donošenja.

O b r a z l o ž e n j e:

Upravni odbor Univerziteta u Sarajevu razmatrao je Inicijativu Senata Univerziteta u Sarajevu broj: 01-3582-1/16 od 26. 05. 2016. godine, kojom je predložena Izmjena postojećeg člana 37. (Obaveza u primjeni Pravilnika) Jedinstvenog pravilnika o plaćama i naknadama osoblja Univerziteta u Sarajevu.

Naime, Zakon o radu Federacije BiH stupio je na snagu 14. aprila 2016. godine („Službene novine Federacije BiH“, broj: 26/16). Članom 177. Zakona o radu propisano je da su „poslodavci dužni uskladiti pravilnike o radu sa odredbama ovog zakona, u roku od šest mjeseci od dana njegovog stupanja na snagu“. Dakle, rok za donošenje pravilnika o radu, kojima se uređuju i plaće i naknade, jeste 14. oktobar 2016. godine. S tim u vezi, potrebno je skrenuti pažnju i na član 118. Zakona o radu kojim se propisuje da „Poslodavac koji zapošljava više od 30 radnika donosi i objavljuje pravilnik o radu, kojim se uređuju plaće, organizacija rada, sistematizacija radnih mjesta, posebni uvjeti za zasnivanje radnog odnosa i druga pitanja značajna za radnika i poslodavca, u skladu sa zakonom i kolektivnim ugovorom“.

Također, Zakon o visokom obrazovanju-Prečišćeni tekst („Službene novine Kantona Sarajevo“, 42/13 i 13/15) nalazi se pred Komisijom zbog izmjena i dopuna, te produženje roka iz člana 37. (Obaveza u primjeni Pravilnika) Jedinstvenog pravilnika o plaćama i naknadama osoblja Univerziteta u Sarajevu, omogućava usklađivanje pravnih propisa, njihovo povezivanje, što sve zajedno doprinosi kvalitetnijoj primjeni i realizaciji Jedinstvenog pravilnika o plaćama i naknadama osoblja Univerziteta u Sarajevu.

Konačno, Vlada Kantona Sarajevo još uvijek nije donijelo uredbu kojom će sve institucije, javna preduzeća i javne ustanove razvrstati u razrede kojim će biti definisana visina plaća i naknada organa upravljanja i rukovođenja istim. (član 19. Zakona o plaćama i naknadama članova organa upravljanja i drugih organa institucija Kantona Sarajevo, Kantonalnih javnih preduzeća i javnih ustanova čiji je osnivač Kanton Sarajevo („Službene novine Kantona Sarajevo“, broj: 10/16).

Smatrajući opravdanim podnešenu Inicijativu Senata, Upravni odbor je odlučio kao u dispozitivu



**PREDSJEDNIK
UPRAVNOG ODOBRA**

Prof. dr. Mevludin Mekić

Dostaviti:

- Senatu Univerziteta u Sarajevu
- Organizacionim jedinicama Univerziteta u Sarajevu
- Rektoratu Univerziteta u Sarajevu
- Predsjedniku i članovima Upravnog odbora,
- Izvršnom direktoru
- Generalnom sekretaru
- Službi za računovodstvo i finansije
- U dokumentaciju Upravnog odbora
- Arhiva